

同治常甯志卷十五 新紀

新紀

五洞民徭即歐陽修所謂莫徭隋書地理志長沙郡有夷蜒名莫徭自云其先祖有功常免徭役故以為名宋熙甯閒相率納土輸皮粟明宣德時知府余奏徭田納賦比民常甯徭田始有定賦遂稱民徭 國朝乾隆二十一年改為新籍 謹案新籍多屬前代鎮撫之子孫初也同蓋聲教所漸摩者久也學額賦稅已詳各類

五洞

黃洞 縣西南五十里 羊山洞 縣西南七十里 板角洞 縣西南十五里中

同治常甯志

卷十五

新紀

一

有東 獠頭洞 縣西南六里 獅子洞 縣西南七十里

職司

撫徭官 明洪武二十年鄧良奉調平洞寇有功畱鎮溪洞世隸其籍 國朝道光閒鄧端化襲職

撫徭總 明隆慶三年設襲職 國朝洞長 例無一人承充每年道光閒鄧鎮常襲職

山徭

蠻徭居山谷閒其山自衡州常甯縣屬於桂陽郴連賀

韶四州環紆千餘里蠻居其中不事賦役謂之徭人 宋史

諸蠻傳 縣西四十里洋泉隘口地連溪崗又西十里杉樹

堡為諸徭出入要路其東南與桂陽接壤通石灰山六

子坳四竹山石羊坑等處明正德萬曆閒常設兵防守

嘉慶
通志

尙獠刀耕火種無常居緣木登巖捷如猿獠往來溪洞
采藥易市男子斑布裹首富者插銀簪貧者以銅錫耳
戴圓圈婦人未嫁頭插小竹竿約二尺許已嫁減四之
三以黃蠟塗髮著板其上前平後銳裹以斑布首帕袖
頭下褻悉用描錦婚則先三日男子以紅布裹杖頭屆
期男女聚會歌唱懽笑殺牛宴飲草履竹箱作奩資每
年冬祭槃瓠使子弟爲尸匍匐入舞杖悅神如婚時相
傳槃瓠初死置之於樹以竹木刺而下至今隱諱其事
謂之刺北斗其祠常扁弗令人見也病則採藥於山服

同治常甯志

卷十五

新紀

二

輒效或禱於鬼巫喃嚙不可曉死則置屍屋舍隣里少
年各持弓箭繞屍而歌以箭扣弓爲節子孫不苟葷七
日火其屍又七日拾骨棄灰納瓦罐中瘞之亦有掘一
穴置棺共中然後舁尸以入與人約必踐交易不二價
昔與夏人言語不通相見一笑作手勢而已近頗識字

兼習算法有能夏語者

嘉慶
縣志